



"Сен — қудрат манбаи, саодат маскани, жонажон Ўзбекистон!"

# ЖАМИЯТ

№ 35 (712)  
2020 йил  
1 сентябрь,  
Сешанба

Ижтимоий-сиёсий газета



2006 йил 31 августдан чоп этила бошлаган



www.bong.uz



jamiyatgzt@mail.ru



## Президент Шавкат Мирзиёевнинг Ўзбекистон Республикаси мустақиллигининг йигирма тўққиз йиллигига бағишланган тантанали маросимдаги нутқи

Ассалому алайкум, қадрли ва муҳтарам ватандошлар!

Аввало, сиз азизларни, кўпмиллатли бутун халқимизни Ўзбекистон Республикаси давлат мустақиллигининг йигирма тўққиз йиллик байрами билан чин қалбимдан табриклайман.

Айни пайтда ушбу тантанали маросимни жойлардаги студияларда, шунингдек, уйларида "ойнаи жаҳон" орқали томоша қилаётган, менинг табрик сўзларимни эшитиб турган муътабар отахон ва онахонларимизга, мунис опа-сингилларимизга, азиз ёшларимизга, барча-барча юртдошларимга ўзимнинг юксак эътиромимни билдираман.

Ҳаммангизга маълум, пандемия туфайли бу йил Мустақиллик байрамини ҳар доимгидек катта тантана ва сайиллар билан нишонлай олмаётимиз.

Халқимизнинг саломатлигини ўйлаб, байрам тадбирларини ихчам шаклда, онлайн режимида ўтказмоқдамиз. Лекин ҳар йилгидек, машҳур санъаткорларимиз ушбу қўтлуғ санага атаб катта-катта концертлар, бадий дастурлар тайёрлашган ва улар телевидение орқали халқимизга тақдим этилади.

Ҳеч шубҳасиз, барчамиз учун энг

улуғ ва муқаддас бўлган бу байрам шуқуи оилаларимиз даврасида, қалбларимизда, юракларимизда давом этади.

Хурматли дўстлар!

Башарият тарихи шундан далолат берадики, ҳар бир халқ фақат эркин ва озод бўлган тақдирдагина, ўз ҳаёти ва келажагини мустақил барпо этиш ҳуқуқига эга бўлади. "Ҳақ берилмас, ҳақ олинур!" деб миллат озодлиги йўлида жонини фидо қилган улуғ аждодларимизнинг буюк мақсади ҳам шу эди.

Халқимизнинг беқиёс жасорати ва матонати билан Биринчи Президентимиз муҳтарам Ислам Абдуганиевич Каримов бошчилигида қўлга киритилган давлат мустақиллиги ана шу асрий орзумизни амалда таъминлаган оламшумул воқеадир.

Биз қандай таҳликали ва суронли даврларни бошимиздан кечирмайлик, қандай ютуқ ва натижаларга эришган бўлмайлик, мустақиллик гоёси, истиқлол руҳи бизга доимо тоғдек таянч бўлмоқда.

Бугун чексиз ифтихор билан айта оламизки, донишманд халқимизнинг узокни кўра олиши, бирдамлиги ва фидойи меҳнати билан барча синовлардан муносиб ўтиб келмоқдамиз.

Шу нуқтан назардан бизнинг инсоний қадр-қимматимизни, гурур ва шанимизни, дину диёнатимизни, миллий давлатчилигимизни тиклаб берган Мустақиллик куни Ватанимизнинг шонли тарихида ҳамшиша энг ёрқин саҳифа бўлиб қолади.

Бугун жаҳон миқёсида юртимиз ҳақида сўз кетганда "Янги Ўзбекистон" ибораси тилга олинмоқда. Бу кейинги йилларда тараққиётнинг мутлақо янги босқичига қадам қўйганимиз, эришаётган залворли ютуқларимизнинг эътирофидир.

Халқимизнинг улуғвор қудрати жўш урган ҳозирги замонда Ўзбекистонда янги бир уйғониш — Учинчи Ренессанс даврига пойдевор яратилмоқда, десак, айни ҳақиқат бўлади. Чунки бугунги Ўзбекистон кечаги Ўзбекистон эмас. Бугунги халқимиз ҳам кечаги халқ эмас.

Истиқлол йилларида босиб ўтган шонли йўлимизга назар ташлаб, эртанги кунимизга, ўз куч ва имкониятларимизга бўлган ишончимиз янада ортмоқда. Мамлакатимизни ривожлантиришнинг Ҳаракатлар стратегиясига мувофиқ барча соҳа ва тармоқларда амалга ошираётган ислохотларимиз бу борада ҳал қилувчи омил бўлмоқда.

"Миллий тикланишдан — миллий юксалиш сари", деган давлаткор гоё ҳаётимизга тобора чуқур кириб бормоқда. Биз айни шу асосда халқимиз ҳаётини тубдан яхшилаш, инсон ҳуқуқи ва эркинликлари, қонун устуворлиги ва ижтимоий адолатни таъминлаш, инновацион тараққиёт борасида муҳим қадамларни қўймоқдамиз.

Кенг жамоатчилик, эл-юртимиз барча ижобий ўзгаришларнинг ташаббускори ва бунёдкорига айланмоқда. Мамлакатимиз фуқаролари қаерда бўлмасин, давлат ҳимоясида эканини, қонун ва адолат кучини ҳис этиб яшашмоқда.

Бугун бир ҳақиқатни қатъий ишонч билан айтиш мумкин: дунёда турли хавф-хатарлар, манфаатлар тўқнашув кучайиб бораётган ҳозирги таҳликали вазиятда Ўзбекистонда шаклланган янги тизим ўзини тўла оқламоқда.

Азиз юртдошлар!

Сизларга маълумки, шу йил бошида 2020 йил учун улкан режа ва мақсадларни белгилаб олган эдик. Бироқ жаҳон миқёсида юзага келган корона-вирус пандемияси ва иқтисодий инқироз, Бухоро ва Сирдарё вилоятларида рўй берган табиий ва техноген офат-

**ҚИСКА  
САТРЛАРДА  
ЎҚИҢ!**

Тўрақўрғон туманини 2020-2022 йилларда ижтимоий-иқтисодий ривожлантириш ва камбағалликни қисқартириш бўйича чора-тадбирлар дастури тасдиқланди.



# Президент Шавкат Мирзиёевнинг Ўзбекистон Республикаси мустақиллигининг йигирма тўққиз йиллигига бағишланган тантанали маросимдаги нутқи

лар барчамизнинг иродамизни жиддий синовдан ўтказди. Тош келса, кемриб, сув келса, сиририб тобланган халқимиз бу огир кунлардан ҳам ўзининг сабр-матонати, меҳр-оқибати ва меҳнатқашлиги билан янада кучли бўлиб ўтмоқда.

Хозирги мураккаб вазиятда биз учун гоёта муҳим иккита вазифани самарали ҳал этиш энг долзарб заруратга айланмоқда. Яъни, биз аҳолимизнинг соғлиғи ва ҳаётини асраш, шу билан бирга, иқтисодиётимизни тиклаш, одамларга ишлаб дарамад топиши учун шароит яратиб бериш муаммосини бир пайтнинг ўзида ҳал этмоқдамиз.

Пандемия даврида халқимиз том маънода қудратли кучга айланди. Буни "Саховат ва кўмак" умумхалқ ҳаракати яна бир бор яққол намоён этди. Бу эзгу ташаббус ишбилармон ва талбиркорларни, фидойий ёшларимизни, барча-барча ватандошларимизни олийжаноб мақсад йўлида бирлаштирди.

Ҳазрат Алишер Навоийнинг:

Даврон элининг жисмида жон бўлгил,

Хам жонларига мояи дармон бўлгил, — деган сўзлари бугун янада теран маъно билан янграмоқда.

Чиндан ҳам, ҳозирги давр ҳар биримизни саховат ва ҳиммат кўрсатиб, хайри ишларимиз билан эл-юрт дарига дармон бўлишга ундамоқда.

Айни вақтда коронавирус мамлакатимиз тиббиёт тизими учун ҳам жиддий синов, ҳам улкан тажриба мактаби бўлди.

Бу балога қарши курашиш бўйича сўнгги олти ой давомида мисли қўрилмаган ишларни амалга оширдик. Жумладан, қўллаб янги шифохоналар ва карантин зоналари ишга туширилди. Катта миқдорда кўшимча тиббиёт ускуналари ва тез ёрдам машиналари харид қилинди. Энг илгор хорижий амалиёт ва ўзимизда тўпланган тажриба асосида давлош усуллари такомиллаштириб борилмоқда. Коронавирусга қарши курашда туну кун метин ирода билан фаолият юритаётган тиббиёт ходимларининг фидоикорона меҳнатини муносиб қадрлаш доимий эътиборимизда турибди. Бундай чора-тадбирларимиз натижасида минглаб беморлар шифо топиб, оиласи бағрига қайтмоқда.

Чег давлатларга меҳнат қилиш ва ўқишга кетиб, пандемия туфайли қийналиб қолган юртдошларимизни ўз уйларига қайтариш, тегишли ёрдам кўрсатиш бўйича амалга оширган катта ишларимиз давом эттирилмоқда.

Ҳеч ким ҳеч қачон унут-

маслиги керак: қанчалик қийин бўлмасин, қанча маблағ ва имконият талаб этилмасин, Ўзбекистоннинг биронта фуқароси ўз ҳолига ташлаб қўйилмайди.

Барчангизга яхши маълум, дунёда икки соҳа вакиллари ўз касбига садоқат борасида қасамд қабул қилади: булар — Ватан ҳимоячилари бўлган ҳарбийлар ва инсон саломатлигига маъсул шифокорлар. Бунинг бежиз эмаслигини бугун ҳаётнинг ўзи тасдиқламоқда.

Муқаддас қасамдига содиқ бўлган шифокорларимиз ҳозирги мураккаб вазиятда, керак бўлса, азиз жонларини фидо қилиб, қаҳрамонларча меҳнат қилмоқдалар.

Халқимиз, давлатимиз сизларнинг матонат ва жасоратингизни ҳеч қачон унутмайди.

Биз нечоғлик ҳаракат қилмайлик, афсуски, бу хавфли касаллик бир қанча ватандошларимизнинг умрига зомин бўлди. Бу огир йўқотишлар юракларимизни ларзага солди. Негаки, бу инсонларнинг ҳар бири бизнинг жигарларимиз эди.

Шу ўринда яқинларидан жудо бўлган юртдошларимизга чуқур ҳамдардлик билдириб, уларга Яратгандан сабр-тоқат ва бардош тилаймиз.

Қадрли ватандошлар! Халқимизда "Оққан дарё — оқаверади" деган ҳикматли гап бор. Буни бугунги мураккаб вазиятда амалга ошираётган улкан ишларимиз исботлаб турибди.

Жаҳон банки, Халқаро валюта жамғармаси каби нуфузли молия ташкилотлари дунёдаги санокли мамлакатлар қаторида Ўзбекистонда иқтисодиётнинг пасайишига йўл қўйилмаганини таъкидламоқда ва кейинги йилларда сезиларли ўсиш кутилаётганини прогноз қилмоқда. Бу, албатта, ўз вақтида қўрган тезкор чораларимизнинг самарасидир.

Карантин чекловларига қарамадан, sanoat ва қишлоқ хўжалигини ривожлантириш, замонавий ишлаб чиқариш қувватларини барпо этиш бўйича бошлаган кенг қўламли ишларимизни изчил давом эттирмоқдамиз.

Аҳолимизнинг асосий қисми ўзининг даромад манбалари ва турмуш даражасини сақлаб қолишига эришдик. Карантин талаблари жорий этилиши натижасида 72 минг 500 та sanoat корхонасидан 16 минг 700 таси ўз фаолиятини вақтинча тўхтатган эди. Бу борада қилган тизимли ишларимиз ҳисобидан 16 минг 600 та корхонада ишлаб чиқариш жараёни тикланди.

Мамлакатимиз корхоналари маҳсулотларини жаҳон бозорларига олиб чиқиш бўйича белгиланган режалар ҳам бажа-



рилмоқда. Йил бошидан буён 9 миллиард долларлик маҳсулотни экспорт қилишга эришганимиз ҳам бунни тасдиқлаб турибди.

Шу ўринда бир рақамга эътиборингизни қаратмоқчиман. Бу йил республикамизда биргина sanoat соҳасида умумий қиймати 11 миллиард доллар бўлган лойиҳалар ишга туширилди.

Ана шундай йирик лойиҳалар қаторида янги Тошкент металлургия заводини алоҳида қайд этиш зарур. Германия ва Италиянинг замонавий технологиялари ўрнатилган ушбу корхона экологик жиҳатдан энг тоза ва хавфсиз бўлиб, йилига 500 минг тонна металл прокати ишлаб чиқаради.

"Навоийазот" корхонасида йилига 500 минг тонна азот қислотаси ва 100 минг тонна поливинилхлорид ишлаб чиқарадиган заводлар фойдаланишга топширилди. Йил охирига қадар бу ерда йилига 660 минг тонна аммиак ва 577 минг тонна карбамид ишлаб чиқарадиган заводлар ҳам фаолият бошлайди. Янгитдан барпо этилаётган "Ўзбекистон ЖТЛ" заводида "Шўртангазкимё" комплексининг метан гази асосида йилига 1,5 миллион тонна синтетик ёқилги олиш йўлга қўйилмоқда.

Олмалиқ кон-металлургия комбинатида рангли ва қимматбаҳо металллар тайёрлашни уч баробар кўпайтиришга доир, шунингдек, нефть, кимё, электротехника, қурилиш материаллари sanoati, фармацевтика, тўқимачилик, чарм-пойабзал ва бошқа тармоқлар бўйича ҳам йирик лойиҳалар амалга оширилмоқда.

Иқтисодий соҳадаги ана шундай кенг қўламли ислохотлар туфайли халқаро валюта захираларимизнинг ҳажми қарийб 5,5 миллиард долларга ошиб, жами 34 миллиард АҚШ долларини ташкил этмоқда. Бу, ҳеч шубҳасиз, катта ютуғимиздир.

Иқтисодиётимизда барқарор ўсиш суръатларини таъминлашда қишлоқ хўжалиги алоҳида роль ўйнамоқда.

Соҳани модернизация қилиш мақсадида халқаро молия ташкилотларининг маблағлари ҳисобидан қиймати 1 миллиард 200 миллион долларлик лойиҳалар амалга оширилмоқда. Жумладан, ҳар бир ҳудудда замонавий агрохизмат марказларини ташкил этиш учун Жаҳон банкининг 500 миллион долларлик маблағи жалб этилди.

Биз кейинги йилларда қишлоқ хўжалигини ривожлантиришга биринчи марта шундай улкан молиявий ресурсларни йўналтирмоқдамиз.

Миришкор деҳқон ва фермерларимиз бу йилги мураккаб шароитда фидокорона меҳнат қилиб, ғалладан олти ярим миллион тоннага яқин ҳосил етиштирдилар. Чорвачилик, паррандачилик, боғдорчилик, сабзавот ва полиз экинлари етиштириш бўйича ҳам салмоқли натижаларга эришилмоқда.

Имкониятдан фойдаланиб, ризқ-рўзимиз бунёдкори бўлган деҳқон ва фермерларимизга, ернинг ҳақиқий эгасига айланаётган кластер хўжаликлари ходимларига, барча дала меҳнатқашларига самийий миннатдорчилик билдиришга рухсат бергайсиз.

Хурматли дўстлар! Хусусий тадбиркорлик ва кичик бизнес соҳасини ривожлантиришга алоҳида аҳамият қаратилмоқда. Пандемия даврида тадбиркорларни қўллаб-қувватлаш ҳамда улар ўз фаолиятини давом эттириши учун бизнес субъектларига турли имтиёз ва энгилликлар берилгани сизларга яхши маълум.

Бу йил "Ҳар бир оила — тадбиркор" дастурини амалга ошириш учун 4 триллион сўмдан зиёд маблағ йўналтирилди.

Ишончим комил, ана шундай тизимли ишларимиз орқали йил якунига қадар ишлаб чиқариш қувватларининг узлуксиз фаолиятини ва иқтисодиётимиз барқарорлигини алаббатта таъминлаймиз.

Улкан қурилиш майдонига айланган мамлакатимизда қўллаб янги-янги корхона ва тураржойлар, йўл ва кўприклар, инфратузилма объектлари, илм-фан, таълим, соғлиқни сақлаш, маданият ва спорт масканлари барпо этилмоқда. Ҳозирги вақтда биргина ижтимоий соҳанинг ўзида 2 минг 400 га яқин объектда қурилиш ишлари жадал олиб борилмоқда.

Пойтахтимиздаги куни кеча фойдаланишга топширилган янги ер ости ва ер усти метро линиялари, Ғалаба боғи, Адиб-

лар хиёбони сингари муҳташам мажмуалар, барча ҳудудларимизда қад кўтараётган замонавий бино ва иншоотлар халқимизнинг улкан бунёдкорлик салоҳиятидан ёрқин далолатдир.

Қадрли байрам иштирокчилари!

Маълумки, миллий мустақиллигимизнинг бош мақсади юртимиздаги ҳар бир инсоннинг иззат-ҳурмати ва қадр-қимматини жойига қўйишдан иборатдир.

Биз ана шу эзгу ишни давом эттириб, ижтимоий адолат таъминлаш аҳолининг ёрдамга муҳтож қатламларини қўллаб-қувватлаш, камбағалликни камайитиришни давлат сиёсати даражасига кўтардик. Жумладан, ижтимоий нафақа билан таъминланадиган аҳоли сони қарийб 1,5 баробар оширилди. Йил якунига қадар уларнинг сони ҳозирги 774 мингдан 1 миллион 200 минг нафарга етказилди. Ушбу тоифани қўллаб-қувватлаш ва иқтисодиётимизни тиклаш учун давлат бюджетидан ўн икки ярим триллион сўм маблағ ажратилди.

Кейинги пайтда уйма-уй юрб юрганиш орқали аҳолини ижтимоий ҳимоя қилиш, эҳтиёжманд оилаларни аниқлашнинг ўзига хос янги тизими шакллантирилди. Шу асосда, умумий ҳисобда, моддий ёрдам кўрсатиш учун 417 миллиард сўм маблағ ажратилди. Шунингдек, сентябрь ойида моддий ёрдам ва кўмакка муҳтож, боқувчисини йўқотган оилаларнинг фарзандларини ва ногиронлиги бўлган болаларни қишки кийим-бош тўпалмалари, мактаб формаси ва ўқув қуроллари билан таъминлаш мақсадида 426 миллиард сўмга яқин моддий ёрдам кўрсатилди.

Ўзбекистон тарихида ижтимоий соҳа бўйича бундай кенг қўламли ишлар илгари ҳеч қачон бўлмаган.

Бугунги кулгун айёмда Ватанимиз келажаги бўлган ёшларимизнинг қамолтириш йўлида қилаётган ишларимизни эсга олишимиз табиийдир.

Сўнгги тўрт йилда мамлакатимизда 43 та янги олий таълим муассасаси ташкил этилиб, уларнинг сони 121 тага етди. Бу йил олий ўқув юрталарига кириш учун бир ярим миллионга яқин ёшларимиз ҳужжат топширди. Бу рақам ўтган йилга нисбатан 40 фоиз кўп демасдир.

Ушбу кўрсаткичлар, аввало, фарзандларимиз ва уларнинг ота-оналари қалбидаги эртанги кунимизга, келажаққа бўлган катта орзу-умид ва ишончдан дарак беради.

Ана шу ўғил-қизларимиз



Интенсив усулда балиқ етиштираётган аҳолини ўқитиш йўлга қўйилади.



# Президент Шавкат Мирзиёевнинг Ўзбекистон Республикаси мустақиллигининг йигирма тўққиз йиллигига бағишланган тантанали маросимдаги нутқи

яқинда кириш имтиҳонларини топширади. Келинлар, бўлгуси синовларда ҳамма фарзандларимизга омад ва зарфлар тилайлик!

Ёш авлод тарбиясида ҳал қилувчи ўрин тутадиган бочгалар ва мактаблар тизимида ҳам улкан ўзгаришлар амалга оширилмоқда. Президент мактаблари, ихтисослашган ва ижод мактаблари барпо этиш, "Замонавий мактаб" дастурини жорий этиш борасидаги ишларимиз ҳам узлуксиз давом эттирилмоқда.

Юртимизда Ёшлар ишлари агентлиги, Ёшлар масалалари бўйича идоралараро кенгаш ташкил этилди. Олий Мажлис палаталари ҳузурда Ёшлар парламентлари, Инновацион ривожланиш вазирлиги қошида Ёшлар академияси тузилди. Хулудларда "Лойиҳалар фабрикаси" иш бошлади.

"Ёшлар – келажагимиз" давлат дастури доирасида иқтидорли ва ташаббускор ўғил-қизларимизнинг 8 мингдан зиёд бизнес лойиҳаларига қарийб 1,7 триллион сўм миқдорда имтиёзли кредитлар ажратилди.

Фарзандларимизнинг истезод ва қобилияти, эзгу интилишларини тўлиқ рўйга чиқариш, ижтимоий фаоллигини ошириш, ҳаётда муносиб ўрин эгаллашлари учун барча имкониятларни яратиб бериш бундан буюн ҳам бош мақсадимиз бўлиб қолади.

Оила, оналик ва болаликни ҳимоя қилиш, хотин-қизларнинг ҳуқуқ ва манфаатлари, аёлларнинг меҳнат ва турмуш шароитини яхшилаш, гендер тенгликни таъминлаш борасидаги ишларимиз ҳам изчил давом эттирилмоқда.

Хабарингиз бор, кам таъминланган оилаларда камол топаётган қизларимизнинг билим олиш имкониятини кенгайтириш учун бу йил янги тизим жорий этдик. Унга мувофиқ, ушбу ўқув йилида олий таълим даргоҳларининг кундузги бўлимларига бундай қизларимиз учун давлат гранти асосида 940 та қўшимча ўрин ажратилди.

Азиз ватандошлар!

Ҳозирги пайтда дунё миқёсида рақобат қандай кескин тус олиб бораётганини ҳаммамиз кўриб турибмиз. Бу шиддатли рақобатга фақат замонавий илм-фан ва инновация ютуқларини кенг жорий этиш орқали муносиб жавоб бера оламиз. Шунинг учун ҳам ушбу стратегик вазифа бизнинг фаолиятимизда устувор йўналишга айланмоқда.

Сўнгги йилларда Ўзбекистон олимлари фундаментал фан ва унинг натижаларини амалиётга татбиқ этиш борасида бир қатор ютуқларни қўлга киритмоқдалар. Хусусан, математика, физика, кимё, биология, астрономия, фармацевтика, геология, сейсмология ва бошқа соҳаларда жиддий амалий натижаларга эришилмоқда. Математика, кимё, биология фанларини ривожлантириш ва уларни ўқитиш борасидаги ишларимиз янги босқичга кўтарилмоқда.

Ўйлайманки, Муҳаммад ал-Хоразмий номидаги халқаро мукофоти таъсис этганимиз математика соҳасида ёш иқтидор эгаларини рағбатлантиришда яна бир муҳим омили бўлади.

Маълумки, ҳар қандай мустақил давлат мустаҳкам маънавий пойдеворга эга бўлгандагина юксак тараққиётга эриша

олади.

Шу мақсадда биз "Узлуксиз маънавий тарбия концепцияси" доирасида умумтаълим мактабларида биринчи марта "Тарбия" фанини жорий этмоқдамиз.

Миллий давлатчилигимиз ва ўзлгимиз тимсоли бўлган она тилимизни ривожлантириш бу борада энг муҳим йўналиш бўлиб қолади. Худо хоҳласа, бу йил 21 октябрь – Ўзбек тили байрами кунини бутун мамлакатимиз миқёсида кенг нишонлаймиз.

Кейинги пайтда қабул қилинган фармон ва қарорлар асосида маданиятимиз ва санъатимизни ривожлантириш ва санъатимизни ривожлантиришга кўтарилмоқда.

Мамлакатимизда диний-маърифий соҳалар ривожига ҳам алоҳида эътибор қарати

тилмоқда.

Ўзбекистондаги Ислам цивилизацияси маркази қурилиши жадал давом эттирилмоқда. Ушбу бетакрор мажмуа халқимизнинг асрлар давомида жаҳон цивилизациясига қўшган улкан ҳиссасини намоён этади. Яқинда Имом Моғуридий илмий-тадқиқот марказини ташкил этиш борасида бошланган сайёҳаракатларимиз ҳам мана шу хайрли ишларнинг узвий давомидир.

Мамлакатимизда инсон ҳуқуқ ва эркинликларини таъминлаш бўйича ҳам катта ишлар амалга оширилмоқда. Бирлашган Миллатлар Ташкилотининг Инсон ҳуқуқлари кенгаши сессиясида Суд-ҳуқуқ тизимида Ўзбекистон эришаётган амалий натижаларнинг эътироф этилгани бу борадаги фаолиятимизга берилган холис баҳоидир.

Юртимизда биринчи марта "Инсон ҳуқуқлари бўйича Ўзбекистон Республикасининг Миллий стратегияси" қабул қилинди.

Шу йил август ойида ёшлар ҳуқуқларини ҳимоя қилишнинг долзарб масалаларига бағишлаб, Самарқанд веб-форуми ўтказилди. У нафақат мамлакатимиз, балки жаҳон ёшлари ҳаётини яхшилаш учун глобал ҳамкорликни кучайтиришга қаратилгани билан муҳим аҳамият касб этади.

Юртимизда суд-ҳуқуқ тизимини такомиллаштириш, жиноятга оид қонунчиликни либераллаштириш, тўғри йўлдан адашган инсонларни соғлом ҳаётга қайтариш юзасидан ҳам тарихий қадамлар ташланди.

Сўнгги пайтда жазони ўтаётган шахсларга нисбатан афв институти кенг қўлланаётгани халқимизга хос бағрикенглик ва инсонпарварликнинг амалий ифодасидир. Ана шу ишларимизнинг мантиқий давоми сифатида Мустақиллик байрами арафасида яна бир фармонга имзо чекдим. Унга кўра, қилмишига чин дилдан пушаймон бўлиб, қатъий тузалиш йўлига ўтган 73 нафар шахс жазони ўташ муассасаларидан озод қилиниб, ўз оиласи бағрига қайта-

рилди. Шунингдек, 40 нафар фуқаронинг жазо муддатлари қисқартирилди.

Инсон ҳуқуқларининг энг муҳим шарт бўлган шахснинг фуқаролигини тиклаш бўйича ҳам салмоқли қадамлар қўйилди. Кўп йиллар давомида юртимизда яшаб келаётган бўлса-да, фуқаролик ололмай юрган, бу юксак мақомни узоқ вақт интиқиқиб кутган 50 мингдан зиёд кишига Ўзбекистон Республикаси фуқаролиги берилди.

Тараққиёт кушандаси бўлмиш иллат – коррупцияга қарши мамлакатимизда кенг кўламда кураш олиб борилмоқда. Шу борада янги тузилма – Коррупцияга қарши курашиш агентлигини ташкил этганимиз бу масаланинг долзарблиги ва доимий эътиборимизда бўлишидан далолат беради.

Жамиятимиз ҳаётининг барча жа-

бҳаларини эркинлаштириш, сўз ва матбуот эркинлиги, очиқлик ва ошқоралик тамойилларини чуқур қарор топдириш, давлат ҳокимияти идоралари фаолияти устидан самарали жамоатчилик назоратини ўрнатиш бўйича бошланган ишларимиз орта қайтмас тус олганини яна бир бор таъкидламоқчиман.

Барчангиз хабардорсиз, ҳозирги мурракб шароитга қарамасдан, биз зиммамизга олган барча халқаро мажбуриятлар ва келишувларни тўлиқ бажариб келмоқдамиз. Хорижий шерикларимиз билан ўзаро манфаатли ҳамкорликни фаол ривожлантирмоқдамиз.

Фурсатдан фойдаланиб, коронавирусга қарши курашда бизга амалий кўмак берган Бирлашган Миллатлар Ташкилоти, Жаҳон соғлиқни сақлаш ташкилотига, шунингдек, Хитой, Россия, АҚШ, Туркия, Жанубий Корея, Бирлашган Араб Амирликлари, Германия, Япония ва бошқа ҳамкор давлатларга халқимиз номидан самимий ташаккур изҳор этаман.

Халқаро валюта жамғармаси, Жаҳон банки, Осиё тараққиёт банки, Ислам тараққиёт банки, Европа тикланиш ва тараққиёт банки, Осиё инфратузилма инвестициялар банки ва бошқа ташкилотларга қўшма дастур ва лойиҳаларни қўллаб-қувватлаш ҳамда пандемия оқибатларини юмшатиш борасида кўрсатган ёрдамлари учун миннатдорлик билдираман.

Айни вақтда бизни Мустақиллик байрами билан қўлгаётган барча узоқ-яқин давлатларнинг халқларига, чет эллик дўстларимиз ва ҳамкорларимизга тинчлик-омонлик, фаровонлик ва раванк тилайман.

Муҳтарам юртдошлар! Бугунги оғир вазият ҳар биримиздан ўз фаолиятимиз ва масъулиятимизни янада кучайтиришни талаб этмоқда.

Халқимизда "Кўз – кўрқоқ, қўл – ботир", деган чуқур маъноли ибора бор. Бугунги шароитда бизнинг кўзимиз ҳам, қўлимиз ҳам, юрагимиз ҳам ботир бўлиши керак. Белимизни маҳкам

боғлаб, пок ният билан меҳнат қилсак, шубҳасиз, кўзлаган марраларимизга эришамиз.

Муқаддас китобларда айтилганидек, ҳар қандай қийинчилик ордидан албатта бир енгиллик келади. Барчамиз бунга ишонамиз ва қодир Оллоҳдан шуну сўраймиз.

Ҳали кўп Наврўз ва Ҳайит айёмларини, тарихий саналар ва умумхалқ байрамларини ҳаммамиз биргаликда шоду хуррамлик билан ўтказамиз, иншооллоҳ.

Мана, келгуси йили давлатимиз мустақиллигига ўттиз йил тўлади. Мамлакатимиз тарихидати ушбу унутилмас шонли санани ҳар томонлама муносиб нишонлашни ният қилганмиз. Илоҳим, шу кунларга соғ-омон, ёрғу юз билан етиш ҳаммамизга насиб этсин.

Маълумки, бугунги байрам арафасида турли соҳа ва тармоқларда фидокорона меҳнат қилаётган юртдошларимизнинг катта бир гуруҳи давлатимизнинг фахрий унвон, ордени ва медаллари билан тақдирланди. Уларнинг барчасини қизгин табриклар, ижтимоий фаолиятлари ва шахсий ҳаётларида янги-янги муваффақиятлар тилайман.

Бугунги имкониятдан фойдаланиб, ўз инсоний бурчи ва фуқаролик масъулиятини чуқур англаб, истиқлолимизни мустаҳкамлаш учун фидокорона меҳнат қилаётган ишчи ва хизматчиларга, қурувчи ва талбиркорларга, фермер ва дарёқонларга, навқирон ёшларимизга яна бир бор самимий раҳмат айтаман.

Эл-юрт манфаати йўлида ўзини аямадан ҳизмат қилаётган хурматли депутатлар ва сенаторларимизга, ҳокимият идоралари ходимлари ва маҳалла фаолларига, ҳарбий либос кийган ўғлонларимизга, илмий ва ижодкор зиёдиларга, муҳтарам нурунийларимизга, кенг жамоатчилик ва оммавий ахборот воситалари вакилларига чин қалбимдан ташаккур изҳор этаман.

Мен турли синов ва курашларда тобланган, аймон-иродаси мустаҳкам халқимизнинг ақл-заковати ва азму шижоатига ишонаман.

Мана шундай буюк инсоний фазилатлар соҳиби бўлган, айниқса, бугунги синовли кунларда ўзининг матонати ва ҳамжиҳатлиги билангина ҳаммасида кўрсатаётган қаҳрамон халқимизга фарзандлик меҳри ва салоҳати билан бош эгиб таъзим қиламан.

Азиз ва муҳтарам ватандошларим! Сизларни Ўзбекистон Республикаси давлат мустақиллигининг йигирма тўққиз йиллик байрами билан яна бир бор чин дилдан табриклайман.

Барчангизга сийҳат-саломатлик, оилавий бахт ва омад ёр бўлсин!

Фарзандлар, набиралар камолини кўриб юриш ҳаммамизга насиб этсин! Гўзал ва бетакрор юртимиз ҳамиша тинч ва фаровон бўлсин!

Меҳнатқаш ва олжаноб, бағрикент халқимиз доимо соғ-омон бўлсин!

Яратганинг ўзи барчамизни пандоҳда асрасин!

Мустақиллигимиз абадий бўлсин!

ЎЗА.



Анджон вилояти Бўстон туманида инвестиция лойиҳалари амалга оширилади.



# Дўстлик, қардошлик — қудратли куч

Ўзбекистон мустақилликка эришган илк кунданоқ ички ва ташқи сиёсатида ўз йўлини танлаганини дунё ҳамжамиятига эълон қилди. Миллий Конституциямизда таъкидланганидек, Ўзбекистон халқаро ҳуқуқнинг умумэтироф этилган қондалари устунлигини тан олиб, фуқароларнинг тинчлиги ва миллий тотувлигини таъминлаш мақсадида барча мамлакатлар билан муносабатларда тўла ҳуқуқли субъект сифатида халқаро майдонга кириб келди. Йигирма тўққиз йил мобайнида юртимизда тинчлик ва барқарорликни мустаҳкамлаш, инсон ҳуқуқлари, эркинликлари ва манфаатларини таъминлаш, Ватанимизни ҳар томонлама тараққий эттириш, унинг халқаро майдондаги обрў-эътиборини юксалтириш борасида кенг қўламли ислохотлар амалга оширилди.

Ташқи сиёсат фаолияти асосида очиқлик, тенглик ва ўзаро манфаатлилик тамойиллари ётганлиги боис мамлакатимиз барча давлатлар билан дўстона муносабатларни ўрнатишга муваффақ бўлди. Айниқса, Марказий Осиё минтақасидаги мамлакатлар билан барча соҳаларда ўзаро дўстлик, яхши кўшничлик ва стратегик шериклик руҳидаги муносабатларни сифат ва мазмун жиҳатдан янги босқичга олиб чиқиш долзарб вазифа ҳисобланади.

Халқларимиз ўртасидаги қардошлик ришталари ўзаро ҳурмат ва дўстлик муносабатлари, маданий қадриятлар орқали узвий боғланганлиги ҳам ҳеч кимга сир эмас. Дўстлик — қудратли куч. Мамлакатимизда ички сиёсатида ҳам миллатларaro ҳамдўстликни юксак даражага олиб чиқиш борасида яхши ташаббуслар илгари сурилмоқда. 2017-2021 йилларга мўлжалланган Ҳаракатлар стратегиясининг бешинчи йўналиши миллатларaro тотувликка қаратилгани, ҳар йили “Ўзбекистон — умумий йилмиз” фестиваллари ўтказилиши, турли миллат вакиллари билан иборат миллий маданий марказларнинг фаолият олиб бориши ҳам бу борда қилинаётган ишларнинг исботидир. Ўзбекистонда “Халқлар дўстлиги” кўрак нишон таъсис этилиши ва ҳар йили 30 июль “Халқаро дўстлик куни” ҳамда 16 ноябрь “Халқаро бағрикенглик куни” арафасида топшириш тақдир этилди. “Халқлар дўстлиги” кўрак нишон таъсис туғрисидаги низомга кўра кўрак нишон билан ўзининг жонқуярлиги билан юртимизда яшаётган барча миллат ва элаларнинг вакиллари ўртасида миллатларaro дўстлик ва тотувлик муҳитини мустаҳкамлашга муносиб ҳисса қўшган, миллий маданий марказлар ва дўстлик жамиятлари

фаолияти самарадорлигини ошириш борасида фидокорона меҳнат қилган, шунингдек хорижий мамлакатлар халқлари билан дўстлик ва ҳар тарафлама ҳамкорликни ривожлантиришда самарали натижаларга эришган фуқаролар тақдирланади.

Фаол ташқи сиёсат қонунчилик соҳасида ҳам ўзгаришларни тақозо этади. Бу йўналишда парламентнинг олдида қатор вазифалар бажарилиши талаб этилмоқда. Авваломбор, парламентимиз халқаро ҳамкорликнинг ҳуқуқий асосларини шакллантиришда фаолиятини янада ҳам жонлантириши давр талабидир. Халқаро рейтинг ва индексларда мамлакатимиз нуфузини ошириш йўлида парламент назоратининг мавжуд механизмлардан самарали фойдаланиш стратегияси ишлаб чиқилди. Халқаро миқёсидаги масалаларни ечишда парламент дипломатияси катта ўрин тутиши ҳеч кимга сир эмас. Шу боис, Олий Мажлис палаталари олдида парламент дипломатияси концепцияси ишлаб чиқиш ва тасдиқлаш, хорижий давлатлар билан ҳамкорлик масалаларида ҳар йиллик дастурларни қабул қилиш ва уларнинг ижросини қатъий назоратга олиш амалиётини жорий этиш каби масалалар муҳим ҳисобланади. Ушбу йўналишда Ўзбекистон Республикаси Олий Мажлиси Қонунчилик палатаси Кенгашининг ва Ўзбекистон Республикаси Олий Мажлиси Сенати Кенгашининг Қўшма қарори асосида Ўзбекистон Республикаси Олий Мажлисининг қатор мамлакатлар парламентлари билан ҳамкорлик қилиш бўйича парламентларaro гуруҳлар тузилиши орқали биринчи қалам қўйилди десак, муболага бўлмайди. Ўзбекистон Парламентларaro иттифоқ, Мустақил Давлатлар Ҳамдўстлиги парламентларaro Ассамблеяси аъзоси сифатида ҳам кўп масалалар бўйича ҳамкорлик олиб бормоқда. Парламентларaro иттифоқ иштирок

чи давлатлар сонига кўра БМТ дан кейинги ўринда турадиган дунёдаги иккинчи йириқ халқаро ташкилотдир. Парламентларaro иттифоқ 179 та давлат парламентларини бирлаштиради, шу жумладан унинг таркибига Туркманистондан ташқари барча МДҲ мамлакатлари кирди. Парламентларaro иттифоқ миллий гуруҳларда ташкил этилган парламент аъзолари ўртасидаги шахсий алоқарни рағбатлантириш, уларни вакиллик институтларини мустаҳкамлаш учун биргалликда ишлаш, шунингдек, парламентлар ўртасидаги ҳамкорлик масалаларини илгари суриш мақсадида ташкил этилган. Ўзбекистон Республикаси 2017 йилда Парламентларaro иттифоқ аъзолигини қайта тиклаш, ташкилот сессияларида фаол қатнашиб келмоқда. Эътиборли жиҳати шундан иборатки, Ўзбекистон Республикаси Олий Мажлиси Қонунчилик палатаси спикери биринчи ўринбосари А.Сандов ушбу нуфузли ташкилотнинг ижроия қўмитаси аъзоллигига сайланди. Бу эса ўз навбатида мамлакатга халқаро парламентларaro тузилмаларининг фаолият майдонларидан самарали фойдаланиш имкониятини яратди.

Юртимизда тинчлик ва барқарорликни мустаҳкамлаш, инсон ҳуқуқлари, эркинликлари ва манфаатларини таъминлаш, Ватанимизни ҳар томонлама тараққий эттириш, унинг халқаро майдондаги обрў-эътиборини юксалтириш, жаҳон ҳамжамияти билан самарали ҳамкорликни ривожлантириш Ўзбекистон сиёсатининг доимий ва муҳим вазифаси бўлиб қолмоқда. Президентимиз таъбири билан айтганда: “Олис ва яқиндаги барча давлатлар билан ҳамкорлик алоқаларини, узоқ муддатли ва кўп қиррали шерикликни янада кучайтирамиз”.

**Нодира ЖОНИБЕКОВА,**  
Олий Мажлиси Қонунчилик палатаси депутати

Ўзбекистон Республикасининг ташқи сиёсат борасида амалга оширган ижобий ташаббуслари бугун ўз натижасини беришни бошлади. Олий даражадаги учрашувлар мамлакатимизнинг жаҳон ҳамжамияти олдидаги ҳурмати ортишига ижобий таъсир кўрсатди. Ўзбекистон БМТ, ШХТ, МДХ, ЕҲҲТ каби халқаро тузилмалар билан ҳамкорликни кенгайтирмоқда. Бугунги кунда давлатимиз хорижий мамлакатлар билан муносабатларни сиёсий ишонч ва ҳамкорлик асосида қурмоқда.

Хорижий мамлакатлар билан келгусидаги муносабатларни ривожлантириш бўйича Вазирлар Маҳкамасининг 2019-2022 йилларга мўлжалланган “йўл хариталари” тасдиқланди. Позитив имижани мустаҳкамлаш борасидаги ишлар ўз самарасини бераётганининг гувоҳи бўлиб туриб

миз. Хорижий инвестицияларни ва янги технологияларни жалб этиш борасида қўллаб-қувватлаш бўйича мамлакатимиз иқтисодий ривожланишига асос бўлмоқда. Миллий мақсулотлар экспорт ҳажми жадал сурьатлар билан ўсиб бормоқда. Халқаро иқтисодий алоқалар тизимида миллий туризмнинг ривожланиши катта аҳамиятга эга. Шунинг учун мамлакатнинг туристик имкониятларини дунёга намойиш қилиш мақсадида халқаро туристик ярмаркалар ва кўргазмалар ўтказиб келинмоқда. Фан, таълим, маданият соҳасида ҳам чет эл мамлакатлари билан халқаро ҳамкорлик йўналишлари йилдан йилга кўпайиб бормоқда. Мамлакатимизда қатор хорижий олий ўқув юрларининг филиаллари ўзбекистонлик ёшларини рақобатбардош кадр этиб тайёрлашни бошлади.

## Орзу истақлар рўёби

Бугунги кунда мамлакатимизда қандай соҳани олмайлик, барчасида тараққиёт ва ривожланишга қаратилган улкан ишлар амалга оширилаётганига гувоҳ бўламиз.

Хусусан, қурилиш соҳасида амалга оширилган ислохотлар натижасида янги, замонавий, сифатли уй-жойлар, ижтимоий, иқтисодий объект ва иншоотлар барпо этилиб, фойдаланишга топширилди. Бунда ишлаб чиқарилаётган қурилиш материаллари тури кўпайиб, арзон ва энгил конструкциялар қўлланила бошлади, қузатувни автоматлаштириш орқали жа-

раён назорати масофадан олиб борилмоқда. Ижро механизмидаги инфомация ва ҳужжат алмашинувида шаффофликни таъминлаш, бюрократик тўсиқларга ва коррупцион омилларга барҳам бериш, ривожланган давлатларнинг тажрибасини ўрганиб, таҳлиллар асосида янги техника ва технологиялар кириб келиши натижасида янгиликлар соҳа тараққиётида муҳим

омил бўлмоқда.

Мамлакатимизнинг барча ҳудудларида давлат капитал қўйилмалари ва бошқа инвестицион дастурлари асосида замонавий яқка тартибдаги ва кўп қаватли уй-жойлар, шифоналар, ўқув муассасалари, маъмурий бинолар, спорт мажмуалари ва иншоотлари, автомобил йўллари, метрополитенлар, санаот ва ишлаб чиқариш корхоналари, инфра-тузилма объектлари ва муҳандислик тармоқлари қурилиши, обдонлаштириш ва кўкаламзорлаштириш ишларида жадал ривожланиш сурьатлари яққол намойиш бўлмоқда.

Соҳадаги такомиллашувга мос равишда унинг ҳуқуқий асослари ҳам мутаносиб равишда мустаҳкамлаб борилаётгани мазкур йўналишдаги саъй-ҳаракатларнинг риво-

жига хизмат қилмоқда. Хусусан, жараёндаги муносабатларни тартибга солиш, назорат қилиш, ҳудудларнинг бош режалари ишлаб чиқилишида ва тасдиқла- нишида аҳолининг бевосита иштирок этиши, унинг жамоат экспертизасидан ўтказиш, қурилиш метёр ва қондаларни янгилаш ва халқаро нормативлар билан уйғунлаштириш, умуман олганда соҳани такомиллаштириш мақсадида яқинда Олий мажлиси Қонунчилик палатасида Қурилиш вазирлиги томонидан янги тахрирда ишлаб чиқилган “Шаҳарсозлик кодекси” қабул қилинди.

Таъкидлаш жоиз, мазкур кодексни такомилга етказиш жараёнида Қонунчилик палатасидаги барча сиёсий партиялари фракциялари фаол иштирок этди. Муҳокамалар чоғида улар томонидан билдирилган тақдир ва тавсиялар кодексининг мукамаллашувига хизмат қилди. Натижада

унда бугунги кундаги долзарб ва аҳолига зарур бўлган ҳамда тўғридан-тўғри ишлайдиган ва хизмат қиладиган нормалар акс этди. Бу каби саъй-ҳаракатлар, албатта, халқимизнинг орзу хавасларини амалга оширишга, фаровон ҳаёт кечирishга, умуман, соҳанинг тараққиётига хизмат қилади.

Бугун Ўзбекистонда нафақат қурилиш, балки барча соҳаларда амалга оширилаётган ислохотлар фақат ва фақат халқимизнинг фаровон яшаш, қўйинки ўқиш, ишлаш, маданият ва спорт билан шугулланиш, интеллектуал салоҳиятини ошириш, умуман олганда мавжуд ва яратилган имкониятлардан кенг миқёсда фойдаланиш, ҳаётдан розилигини таъминлашга қаратилгани билан аҳамиятли.

**Ваҳобжон МУРАТКАБИЛОВ,**  
Олий Мажлиси Қонунчилик палатаси депутати



Ушбу саҳифа Олий Мажлис ҳузурдаги Нодавлат нотижорат ташкилотлари ва фуқаролик жамиятининг бошқа институтларни қўллаб-қувватлаш жамоат фонднинг “Фаровон ҳаёт қонун устуворлигида” грант лойиҳаси асосида тайёрланди.



Маъмурий-худудий тузилиш масалалари бўйича тақдирлар давлат экспертизасидан ўтказилади.







# Лицензия керакми? Рухсатнома-чи?

## Бу борадаги тартиб таомиллар бутунлай ўзгаради

Мамлакатимизда бугунги кунда имкон қадар халқимизнинг яшаш шароитларини яхшилаш, тадбиркорлар учун қулай имкониятлар яратиш, ишчи ва хизматчиларнинг меҳнат шароитларини яхшилаш масалаларига жиддий эътибор қаратилмоқда. Хусусан, кейинги пайтларда лицензияланадиган фаолият турларини белгилаш, рухсатномаларни расмийлаштириш бора-сида янгиланган жорий этиляпти.

Жумладан, 270 га яқин лицензияланадиган фаолият йўналишлари ва тадбиркорлик соҳасидаги 140 та рухсат этиш хусусиятига эга ҳужжатлар атрофлича таҳлил қилинди. Таҳлиллар маъмурий тартиб-таомиллардан ўтишда ханузгача бюрократик расми-ятчиликка йўл қўйилаётгани, лицензия ва рухсатномалар бир-бирини такрорлаши, соҳа-да ахборот технологияларини жорий этиш талаб даражасида эмаслигини кўрсатди. Бу борадаги муаммо ва камчиликларни бартараф этиш ҳамда ахборот технологияларини жорий этиш орқали уни тубдан ислоҳ қилиш мақсадида давлатимиз раҳбарининг “Лицензиялаш ва рухсат бериш тартиб-таомилларини тубдан такомиллаштириш чора-тадбирлари тўғрисида”ги фармони қабул қилинди. Унга мувофиқ, амалга ошириладиган ўзгаришлар ҳақида кўп ва ҳўп ёзиш мумкин. Келинг аввал қанақа эди-ю, энди қандай бўлганини бир солиштириб кўрайлик.

Биринчидан, соҳага илк мартаба хабардор қилиш тартиби алоҳида институт сифатида жорий этилди. Хабарнома юборишда жисмоний ҳамда юридик шахслар қонун ҳужжатларида белгиланган талаб ва шартларга риоя этиш мажбуриятини ўз зиммасига олади ва уларнинг фаолияти белгиланган талабларга мувофиқ келишини ўзлари тасдиқлайди. Бунда фаолиятни бошлаш ёки ҳаракатни амалга ошириш учун ваколатли органларнинг ҳужжатларини кўриб чиқиш, қарор қабул қилишига ҳожат қолмайди.

Фармон билан 17 та лицензияланадиган фаолият йўналишлари ва 13 турдаги рухсатномалар хабардор қилиш механизмига ўтказилди. Хўш, бу нима дегани? Илгари мак-

табгача таълим муассасалари, ломбард, ветеринария даволаш муассасалари раҳбарлари, алкоғоли маҳсулотлар билан чакана савдо қилувчи ташкилотлар иш фаолиятини бошлаши учун тегишли идораларга бир кўчоқ ҳужжат олиб боришлари ва уларнинг рухсатномасини бир неча кун давомида илҳақ бўлиб куттишлари лозим эди.

Бундан уч-тўрт йил илгари чекка вилоятда яшайдиган бир танишим уйда болалар боғчага очмоқчи бўлганди. У яшайдиган ҳудудда бирортаям мактабгача таълим муассасаси йўқ, ота-оналар ёш болаларини икки қишлоқ наридаги боғчага олиб боришар ёки уйда олиб ўтиришаркан. Айтишича, уйда боғча очиш учун ҳамма шароит бор экан. Агар унинг нияти амалга ошса, қишлоғидаги юзлаб болаларни тарбиялаш имкони туғилади, камида 3-4 киши иш билан таъминлади...

Орадан анча вақт ўтиб, “қалай, шларингиз битдимин”, деб сўрасам, “йўқ, “югур-югур”, қоғозбозлик ишлари кўп экан, очиги, ҳужжатли ишларни унча тушунмайман, шунинг учун бошқа иш билан шуғулланганим маъқул” деди. Кўрапсизми, бир кишининг хайри нияти ана шу ортиқча расмиятчилик тўғрисида амалга ошмай қолди. Ким билсин, бу янгиланган хабар топган бўлса, балки энди ниятини амалга оширар? Бундан буён ана шундай фаолият турлари билан шуғулланмоқчи бўлганлар ваколатли органларни шунчаки хабардор қилиб қўйишса, олам гулистон.

Иккинчидан, лицензияланадиган ва рухсатнома олиш талаб этиладиган фаолият йўналишлари сонин сезиларли равишда қисқартирилди. Хусу-

сан, инсон соғлиғига ва жамиятга зиён етказмайдиган фаолият турлари лицензиялашдан чиқариб ташланди ҳамда хавфлилик даражаси паст бўлган фаолият турлари тартибга солишнинг муқобил усулларига ўтказилди. Бунда “тартибга солиш гильотинаси” усулини қўллаш орқали айрим турдаги лицензия ва рухсатномалар бекор қилинди.

Лицензия ва рухсат бериш хараكتеридаги ҳужжатларни қисқартириш натижасида тадбиркорлик субъектлари йилга қарийб, 40 миллиард сўм тежаб қилиши мумкин. Масалан, юртимизда аудитторлик, баҳолаш, риэлторлик, фонограммаларни тайёрлаш, юрларни автомобиль транспортда шахарда, шахар атрофида ва



шахарлараро ташиш фаолияти билан шуғулланадиган хусусий корхоналар бор. Ўз-ўзидан кўрииб турибдики, бундай фаолият турлари билан шуғулланадиган корхоналар ҳеч кимнинг соғлиғига зиён етказмайди, жамиятга фойдаси бўлса, борки, асло зиёни йўқ. Ана шундай корхоналар учун энди алоҳида лицензиянинг кераги бўлмайди. Шунингдек, энди сиз ўз корхонангизга хориждан ишчи кучи жалб қилмоқчи бўлсангиз, алоҳида рухсатнома тўғрिलाш учун сарсон бўлиб юрмайсиз. Ёхуд бирор тренажер зали очмоқчи бўлсангиз, тренерлик фаолияти билан шуғулланмоқчи бўлсангиз, бунинг учун ҳам рухсатноманинг кераги йўқ.

Учинчидан, лицензиялаш, рухсат бериш ва хабардор қилиш жараёнлари тўлиқ электронлаштирилди. Агар сизнинг фаолиятингиз барибир лицензия ва рухсатнома олишнинг талаб қилса ҳам бунинг учун ортиқча қоғозбозлик, оворатгирчилик, йўл харажатларини ўйлаб сикилмасангиз бўлади. Қўлингиздаги смартфон, планшет ёки иш столнинг устидagi компьютер оғирингизни энгил қилади. Айни пайтда онлайн режимда ишлайдиган “Лицензия” ахборот тизими жорий этилади. Сиз барча талаб қилинадиган ҳужжатларни шу тизим орқа-

ли юклайсиз. Тегишли мута-садилар ҳужжатларингизни шу тизимда кўриб чиқишди, қисқа вақт ичида рухсатнома ва ҳужжатларингиз қўлингизга келиб тегади.

Бундан буёғига ваколатли органларга мурожаат қилиш, ҳужжатларни топшириш фақат электрон амалга оширилиши белгиланди. Энди тадбиркорни ортиқча ҳужжатларни тақдим этишга мажбурлашга чек қўйилади. Лицензия бериш учун бошқа идоранинг маълумотномаси ёки бошқа ҳужжати керак бўлса, тадбиркорга ҳеч ким “ўзинг топиб кел” деб шарт қўлмайди. Ўйин, бунақа ишларни ваколатли орган ходимининг ўзи ягона тизим орқали олади. Тадбиркордан фақат озроқ компьютер, ахборот технологияларидан хабардорлик талаб қилинади, холос.

Айтганча, энди сиз лицензия ва рухсатномаларни ҳам эскича, қоғоз кўринишида олмайсиз. Фармон бўйича бу ҳужжатлар энди сизга QR-код қўйилган электрон ҳужжатлар кўринишида тақдим этилади.

Бир тасаввур қилинг, дейлик, Сурхондарёнинг олис Узун туманида спорт клуби очмоқчи бўлган тадбиркор ўз ишини тартибга солиш учун неча марта Термизга, яна бир неча бор Тошкентга югуриши лозим эди. Қанча вақт, пул, асаб кетарди. Фақат бугина эмас, баъзан зарур ҳужжатни қўлга киритиш учун ё таниш-билишлар ё кимнингдир “томоғини мойлаш” керак буларди. Энди-чи, тадбиркор ўзининг қишлоғидан, ҳатто, уйдан чиқмай туриб, барча ҳужжатларни ўтирган жойида расмийлаштири олади.

Тўртинчидан, фармон билан бизнес жараёнлари ва маъмурий тартибларнинг кенг қўламли энгиллаштирилиши кўзда тутилган. Лицензия талаб ва шартлари рақобатни чекловчи қоидаларни, яъни товар ва хизматлар бозорига кириб келишга тўсиқ бўлувчи омилларни қисқартириш нуктаи назаридан қайта кўриб чиқилди. Жумладан, 115 та лицензия ва рухсат бериш хусусиятига эга ҳужжатларни олиш тартиб-таомилларини янада қисқартириш ва соддалаштиришга қаратилган чора-тадбирларни амалга ошириш белгиланди ҳамда 14 турдаги фаолият бўйича ҳужжатларни расмийлаштириш муддатлари қисқартирилди.

Бешинчидан, ваколатли органлар ташаббуси билан лицензия ва рухсатномаларни бекор қилиш фақат суд тартибида амалга оширилади. Ҳа, энди тадбиркорнинг лицензияси ёки рухсатномасини бекор қилишга унча-мунча органнинг “тиши” ўтмайди. Фақат судлардан бошқа. Албатта, суд ҳам аввал тадбиркор фаолиятини пухта ўрганиш, жиддий қонунбузарликка йўқ қўйилгани аниқланган тақдирда, асослар етарли бўлгандаги-

на бу ҳужжатларни бекор қила олади. Акс ҳолда, судьянинг ўзи қонун оллида жавоб бериши мумкин.

Олтинчидан, давлат унитар корхоналари ва муассасалари томонидан фаолиятнинг лицензияланадиган турларини тегишли лицензия олишдан амалга ошириш ҳуқуқи бекор бўлди. Мазкур қоида давлат корхоналарини хусусий тадбиркорлардан устун қўйишга, бозорда тенг бўлмаган шароитларнинг яратилишига, давлат корхоналарининг монопол мавқега эга бўлиб қолишига олиб келди. Шу билан бирга ушбу ташкилотларда лицензия талаб ва шартларга риоя этилиши устидан назорат амалга оширилмай қолиши каби салбий оқибатлар юзга келди. Фармонга кўра, қайд этилган ташкилотлар жорий йил охирига қадар тегишли лицензияни расмийлаштириш чораларини қўришлари лозим.

Еттинчидан, соҳага самарали жамоатчилик назорати механизмлари жорий этилди. Фуқаролар бирор-бир шахснинг муайян фаолият билан лицензиясиз, рухсатномасиз ёки хабарнома юбормасдан шуғулланаётганини ҳамда белгиланган талаб ва шартларни бузётгани ҳолатларини аниқласа, бу тўғрисида тегишли ваколатли органларга хабар берса, ҳуқуқбузарлик ўз тасдиғини топган тақдирда ундирилган жаримнинг 10 фоизи миқдорда пул мукофоти билан рабатлантирилади.

Тўғри, бир қарашда сал галлатироқ. Худди “чақимчилик”ка ўхшаб қолади. Лекин тасаввур қилинг: қўшнингиз алоҳида рухсатнома талаб қиладиган фаолият тури билан ноқонуний шуғулланипти. Давлатга солиқ тўламапти. Чиқараётган маҳсулоти ҳам шубҳали. Сиз буни кўра-бизла туриб, бу ҳақда хабар берма-сангиз, аввало, давлат газнаси-га, қолаверса, ўзингиз сингари инсонлар саломатлиғига зарар етказган бўлиб қоласиз.

Шунингдек, ваколатли органлар томонидан қонун бузилиш ҳолатларини аниқлаб, хабар беришганда ҳам фуқаролар рабатлантирилади. Нимаси ёмон? Сиз битта порахўр, ўз ишига нолойиқ, бюрократ одамга нисбатан чора кўрилишида иштирок этапсиз.

Саккизинчидан, рухсат бериш тартиб-таомилларида доир муносабатларни тартибга солувчи қонунчиликни тизимлаштириш, кодификациялаш ва норматив юқини қисқартириш чоралари кўрилади.

Бунда 20 йил аввал қабул қилинган “Фаолиятнинг айрим турларини лицензиялаш тўғрисида”ги, шунингдек, “Тадбиркорлик фаолияти соҳасидаги рухсат бериш тартиб-таомиллари тўғрисида”ги қонунларни бирлаштириш орқали ягона қонун лойиҳаси ишлаб чиқилади.

Рустам ЖАББОРОВ,  
Адлия вазирлиги  
масъул ходими

Ушбу саҳифа Олий Мажлис ҳузуридаги Нодавлат нотижорат ташкилотлари ва фуқаролик жамиятининг бошқа институтларини қўллаб-қувватлаш жамоат фонднинг “Жамият — ислохотлар ташаббускори” Давлат ижтимоий бюртмаси асосида тайёрланди.



Янги ўқув йили 14 сентябрдан бошланади



# Онлайн танловлардаги "ликебозликлар"

Сизга ҳам ҳар куни ёки кун ора телеграм тармоғидан "илтимосномалар", яъни шеър, ҳикоя ёки бирор видеога "лике" босиб юборинг, деган хабарлар келиб турса керак. Бу ҳол, менимча, ҳаммага таниш. Танловларни ўтказиш яхши, албатта, айниқса, карантин шароитида ёшларнинг бўш вақтини маъмул ташкил этишда танловларнинг аҳамияти катта бўлди. Бу каби танловлар ёшларнинг истеъдодини юзага чиқаради, рағбатлантиради.

Кўпчилик бу танловларда катта қизиқиш билан қатнашмоқда. Хусусан, турли телеграм каналларида эълон қилинади-ган ижодий танловлар, спорт, ҳунармандчилик, рассомлик ва рақс танловлари оммалашиб улгурди. Ижодий ишлари канал орқали эълон қилинган иштирокчилар "лике" йиғишлари керак бўлади. Фолиблар ҳам шуларнинг сонига қараб аниқланади. Буни қанчалик ҳаққоний деб ҳисоблайсиз? Карантиндан олдинги танловларни эслайсизми? Уларда ҳеч қандай "лике" йиғиш шарт эмасди. Фолиблар ҳақамлар ҳайъати томонидан аниқланарди. Ҳозир эса бечора иштирокчилар танишларига, танишларининг танишларига, танимаганларига, турли гуруҳларга "лике" сўраб, "илтимосномалар" йўллашга мажбур бўлмоқда. Иштирокчилар ижодий танловда эмас бир-бирлари билан ким ўзарга кўпроқ "лике" йиғиш ўйнаётгандек. "Ли́ке" босаётган айримлар эса нимага босаётганини билмайди, ҳатто.

Мен ҳам шундай танловларнинг бирини қатнашдим. Худди бошқалар сингари мен ҳам танишларимга илтимос хабарларини юбордим. Илтимоснинг таъсири камроқми, билмадим, "лике"ларим ҳеч 50 тадан ошмади. Рақибларимники эса 400-500 дан ошган. Наҳотки, шунча танишлари бўлса, деб ҳайронман. Кейин бир танишим шундай "лике" кўпайтириб берадиган хизмат борлиги ҳақида айтиб қолди. Қарасам, ўқибурон тадбиркорлар чиндан ҳам шундай хизмат ташкил қилган экан. 100 та "лике" йиғиб бериш 20 минг сўмдан бошланар экан. Сони ошган сари пул миқдори ҳам шунга яраша ошиб борар экан. Гуруҳ маълумотлари билан танишиб, ўзимга ўзим "мана, ҳамма нарсани пулга сотиб олиш", дедим. Ҳеч кимга "лике" сўраб саргаймайдиган "истеъдодиллар" пулини тўлаб, фолиб бўлаверар экан.

Обуначиси 300 кишига ет-

майдиган канал бирор танлов эълон қилиб оддий канал ҳам таниқли блогерларнинг канали каби кенг аудиторияга эга бўлаётгани ҳам ҳеч кимга сир эмас. Бу кўзбўямачиликдан бошқа нарса эмас. Танловда иқтидорли ёшлар кўп. Ижодий ишлари ҳам голибликка арзийдиган даражада. Аммо "лике"ларига қарсангиз 30 тага ҳам етмайди. Шу 30 тани йиғиш учун ҳам қанча ҳаракат қилган. Шуми биз кутётган адолат? Бу каби "лике"бозлик ижодкорнинг танловларга бўлган иштиёқини сўндириб юборади.

Хурматли танловлар ташкилотчилари, танловнинг ҳаққоний бўлсин! Бунда ҳолис баҳоловчи ҳақамлар кўмагидан фойдалансангиз ҳақиқий фолиблар аниқланармиди!? Агар, жудаям "лике" тўплашга ишқибоз бўлсангиз, бу ишни тузган ҳақамлар ҳайъатинингиздаги устозларга топширинг! Шундагина танловингизда алдов бўлмайди!

Додоноҳон РЎЗИБОУЕВА,  
ЎзЖОКУ талабаси

# Тарбия асоси маънавиятда

Ўсиб келаятган ёш авлодни ҳар томонлама етук, баркамол инсонлар қилиб тарбиялашда ҳеч шубҳасиз мактаблардаги маънавий-маърифий ишларнинг роли катта. Шу жиҳатдан олиб қараганда Тошкент вилояти Оҳангарон шаҳар халқ таълими бўлимига қарашли умумтаълим мактабларида олиб борилаётган ишлар диққатга сазовор.

Оҳангарон шаҳар халқ таълими бўлимида шу йилнинг 20 август куни "Сен — қудрат манбаи, саодат маскани, жонажон Ўзбекистоним!" шиори остида 2020-2021 ўқув йили оддидан август кенгашининг ўқув семинари онлайн шаклда ўтказилди. Ялпи йилнидан сўнг ҳар бир фанга тегишли янгиликлар, ўзгаришлар юзасидан шўбаларда иш олиб борилди. Мактаблардаги услубий бирлашма раҳбарларининг фикр-мулоҳазалари тингланди. Янги ўқув йилининг мақсад ва вазифалари белгилаб олинди. Асосий эътибор таълимга инновацион гояларни олиб киришга қаратилди ва "Тарбия" фанининг жорий этилишига алоҳида тўхталиб ўтилди. Жамиятда ўқувчи нифузини оширишга барчани ҳамкорликка чақириш муҳимлиги алоҳида таъкидланди.

Оҳангарон шаҳар халқ таълими бўлимига қарашли мактабларда янги ўқув йилига тайёргарлик масаласи юзасидан халқ таълими бўлимининг дастури ишлаб чиқилган бўлиб, бүгунги пандемия даврида Август кенгаши онлайн режимда ўтказиш ва қатор режа, йўл хариталарини яратиш кўзда тутилган эди.

Ушбу масала юзасидан халқ таълими бўлими мудири Зухриддин Дехқоновнинг алоҳида ахбороти тингланди.

Мактабларнинг маънавий-маърифий ишлар бўйича директор ўринбосарларининг янги ўқув йилида амалга оширадиган ишлар самарадорлигини ошириш бўйича тузган иш режалари кўпчиликка катта қизиқиш уйғотди. Кенгашнинг асосий мақсади ўқувчилар ўртасида жиноят, ҳуқуқбузарлик ва эрта туғуруқ ҳолатларининг олдини олишга қаратилди. Ушбу мақсадни амалга оширишда "Оила, маҳалла ва таълим муассасаси" концепциясига асосан ҳамкорлик ишларини ишлаб чиқиш ва амалга тадбиқ этиш муҳим аҳамият касб этади. Янги ўқув йили пандемия туфайли онлайн режимда бошланса, ўқувчиларнинг онлайн дарсларини назорат қилиш, уй шароитларини ўрғаниб, оддиндан уларга амалий ёрдам кўрсатиш учун тегишли ташкилотларга мурожаат қилиш керак. Чунки ҳар бир ўқувчи онлайн таълим олиши зарур. Мактаб маънавиятчилари ҳамда психологлари ҳамкорликда ишлаб, муаммолари болаларга алоҳида

эътибор қаратиши ва улар билан индивидуаль иш олиб бориш зарурлиги кенгашда алоҳида таъкидланди.

— Давлатимиз Мустақилликка эришганига 29 йил бўлди, — дейди Оҳангарон шаҳар ХТБ маънавий-маърифий ишлар ва болаларни ижтимоий ҳимоялаш шўбаси мудири Чарос Йўлдошева. — Салкам 30 йил ичида айрим давлатлар кўп йиллар давомида эриша олмаган ютуқларга эриштиқ. Ўзбекистон жаҳон ҳамжамиятида ўз ўрнига эга бўлди. Бизнинг асосий мақсадимиз эса маънавиятни қайта тиклаш, миллий қадриятларимизни ҳамда буюк аجدодларимизнинг унутулган бораётган жаҳоҳирга тенг асарларини, маънавий ва маланий меросини халқимизга қайтариш йўлида янада жонбозлик кўрсатишдан иборат.

Шўба мудири таъкидлаганидек, умумтаълим мактабларида тарбиянинг асосий негизини мактабгаги маънавий-маърифий ишлар ташкил этади. Агарда мактабни бир вужуд организм деб тасаввур қиладиган бўлсак, унинг боши директор бўлса, мактабнинг юраги, виждони маънавий-маърифий ишлар бўйича директор ўринбосарлари саналади. Чунки мактабнинг ички ҳолатини, яъни ўқувчиларнинг руҳий ва жисмоний аҳолини, муаммолари ва оилавий шароитини, ҳуллас, ҳамма-ҳаммасини психолог ва маънавиятчи жуда чуқур билиши лозим. Шунинг учун ҳам умумтаълим мактабларидаги таълим-тарбиявий ишларнинг бош мезони маънавий эканлиги барчамизга маълум.

Ашурали БОЙМУРОД

Газетамизнинг навбатдаги сони 11 сентябрда чоп этилади.

# "Regionlaraga mulk markazi" МЧЖ бошланғич баҳоси ошиб бориш тартибда ўтказиладиган очиқ аукцион савдосига таклиф этади

"OLMAZOR KICHIK SANOAT ZONASI" АЖнинг 2020 йил 8 июндаги №237а/32 сонли буйруқ ва 2020 йил 16 июлдаги № 299/32 сонли буюртма-масига асосан, Тошкент шаҳар Олмазор тумани Янги Олмазор кўчаси 51 уй манзилида

1. "ISUZU NP37" русумли, давлат рақами 01/645 АВА бўлган 2010 йилда ишлаб чиқарилган техник саз, бошланғич баҳоси 75 000 000 сўм;

2. "ГБАСП ISUZU NP37" русумли, давлат рақами 01/643 АВА бўлган 2010 йилда ишлаб чиқарилган техник саз, бошланғич баҳоси 75 000 000 сўм;

3. "УАЗ 396201" русумли дав-

лат рақами 01/344 ЕВА бўлган 1988 йилда ишлаб чиқарилган техник саз, бошланғич баҳоси 10 179 180 сўм;

4. "МАЗ 5549" русумли давлат рақами 01/786 АСА бўлган техник саз, бошланғич баҳоси 6 789 779 сўм;

5. "Газ 5204" русумли давлат рақами 01/314 DDA бўлган 1988 йилда ишлаб чиқарилган техник саз бошланғич баҳоси 9 859 100 сўм;

6. "Газ 5327" русумли давлат рақами 01/342 ZCA бўлган 1988 йилда ишлаб чиқарилган техник саз бошланғич баҳоси 5 000 000 сўм;

7. "ОДА3885" русумли давлат

рақами 01/291 ОАА йилда ишлаб чиқарилган техник саз бошланғич баҳоси 4 773 750 сўм автотомобиллари аукцион савдосига кўйилмоқда.

Аукцион савдолари 2020 йил 28 сентябрь куни соат 10:00 да бўлиб ўтади. Аризалар расмий иш кунлари соат 10:00 дан 16:00 гача қабул қилинади (13:00 дан 14:00 гача тушлик). Аризаларни қабул қилишнинг охириги муддати: 2020 йил 25 сентябрь куни соат 16:00. Автотранспорт воситалари 2020 йил 28 сентябрь куни сотилмаган тақдирда, тақрорий савдолар 2020 йил 13, 27 октябрь кунлари соат 11:00 да ўтказилади. Аризаларни қабул

қилиш: савдо кунидан бир кун аввал, Савдода сотилиш баҳосидан 5% устига тўлаш шартли билан. Савдо голибига 2 банк кун ичида сотувчи билан олди-сотида шартномаси тузиш мажбурияти юклатилади. Талабгорлар мулк бошланғич баҳосининг 10 фоизидан кам бўлмаган миқдорда закалат пулини ХАТБ "DAVR-BANK" Олмазор филиали х/р: 22604000505265882001 МФО: 01121, СТИР: 307638956. Аризаларни қабул қилиш ва савдо ўтказиш манзили: Тошкент шаҳар М.Улубек тумани Х.Олимжон кўчаси 13А уй. Телефон: (93) 534-05-00.

Гувоҳнома №.880847.

**ЖАМИЯТ**

Муассислар:  
Фуқаролик жамиятини ривожлантириш маркази

Ўзбекистон Республикаси Президенти ҳузуридаги Давлат бошқаруви академияси.  
Ўзбекистон Нодавлат нотижорат ташкилотлари миллий ассоциацияси.  
Ўзбекистон Мустақил босма оммавий ахборот воситалари ва ахборот агентликларини

қўллаб-қувватлаш ва ривожлантириш жамоат фонди.

Ўзбекистон Савдо-саноат палатаси.  
Тадбиркорлар ва ишбилармонлар ҳаракати — Ўзбекистон Либерал-демократик партияси.  
Ўзбекистон экологик ҳаракати.  
Ўзбекистон Республикаси Экология ва атроф-муҳитни муҳофаза қилиш давлат қўмитаси.  
"Фуқаролик жамияти — Гражданское общество — Civil society" журнали.

Бosh муҳаррир  
Мақсуд ЖОНИХОҲОВ

Тахрир ҳайъати:  
Рустам Комилов  
Борий Алихонов  
Акмал Саидов  
Раҳмат Маматов  
Ақтам Ҳайитов  
Аҳдам Икромов

Газета тахриратнинг компьютер бўлимида саҳифаланди.  
"Шарк" нашриёт-матбаа акциядорлик компанияси босмаҳонасида чоп этилди.  
Манзил: Буюк Турон кўчаси 41.  
Буюртма рақами Г-914 Адади: 1052.  
Жума кун чикади.  
Қогоз бичими А-3, ҳажми 2 босма табоқ.  
Баҳоси келишилган нархда.  
Газета Ўзбекистон матбуот ва ахборот агентлигида 2006 йил 0010-рақам билан рўйхатга олинган.

ISSN 2010-7722

Навбатчи: Нуриддин Убайдуллаев

Дизайнер: Бегаби Ошонкулов

100000, Тошкент шаҳри Матбуотчилар кўчаси 32.  
Маълумот учун телефонлар: (71) 233-72-77, 233-91-55

Реклама ва эълонлар учун:  
Электрон почта: jamiat@umail.uz  
Газета индекси — 131

"ЖАМИЯТ" дан олинган маълумотларда манба сифатида газета номи кўрсатилмиш шарт.

Ўақ яқуни:  
Топширилган вақт: 22.10

1 2 3 4 6



Худудларда павловния плантациялари ташкил қилинади.



Ўзбекистон Республикаси  
 Энергетика вазирлиги ҳузуридаги  
 Электр энергетикада назорат инспекцияси  
**“ЎЗЭНЕРГОИНСПЕКЦИЯ”**  
**ЖАМОАСИ**

*Ўзбекистон аҳлини  
 энг улуг, энг азиз байрам –  
 Ўзбекистон Республикаси  
 Мустақиллигининг  
 29 йиллик шодиёнаси билан  
 самимий муборакбод этади!  
 Азизи юртдошлар,  
 мамлакатимиз  
 тараққиёти борасидаги  
 саъй-ҳаракатларингизга  
 муваффақиятлар ёр бўлсин!*

